

պիսկոպոսն եկաւ . եւ ես ելեալ վազեցի զկնի նոցա  
 եւ հասի . տեսի՛ զի Մուղնեցին եւ այլք զկնի բերէին  
 զնա ի յիզնիմիտոյ . քանզի նա եկեալ էր յիզնիմիտ  
 եւ գալոց էր ի Բուզանդ՝ կրկին չարութիւն հասուցա-  
 նել : Զայս լրեալ քաղաքացւոցս ուղարկեցին զՉ ա-  
 թոռակալսն՝ թէ հնազանդեցի եւ խաղաղութեամբ  
 գնասցէ առ կաթողիկոսն , եւ թէ ոչ՝ զնա կորուսցեն :  
 Կնացեալ անդ՝ և դարձեալ աթոռակալքն ի Բուզանդ ,  
 եւ Մուղնեցին բերաւ զնա անդ : Եւ զայս տեսեալ  
 իմ՝ թողեալ զնոսա ի ճանապարհին , զձեռս համբու-  
 րելով նոցա եւ վազելով զիմեցի ի տունն յայն , յոր  
 կաթողիկոսն նստեալ էր , հեռի Բ նետրնկէց եւ զառ  
 իվեր , յորում նոցա պատահեցալ . եւ էր երեկոյացեալ  
 եւ մութն զգետինն առեալ . հասի անդ Տեառն շնոր-  
 հիւ եւ ումեք ոչինչ ասացեալ՝ մտի ի տուն յորում  
 նստեալ էր կաթողիկոսն և վարդապետքն և իշխանք  
 քաղաքին , և զնացեալ համբուրեցի զաջն և ասացի  
 թէ Հոգեւորտէր , աւետիս քեզ , զի Յովանէս վար-  
 դապետն առեալ զԴաւիթ եպիսկոպոսն եւ գայ : Եւ  
 բազում ուրախութիւն եղեւ նորա եւ նստելոցն , եւ  
 ինքն զերեսս եւ զճակատս համբուրեաց եւ ետ ինձ  
 մուշթուլուս թ զուռուշի մի չուխայ : Եւ այն եկեալքն  
 ոչ եկին անդ եւ ոչ բերին զնա , այլ առաւօտուս բա-  
 զում խնդրուածօք բերեալ մուծին զնա առ կաթողի-  
 կոսն , եւ բազում ահ եւ երկիւղ տեալ նորա կաթո-  
 ղիկոսն . յայց Անտոն Չէլէպին ուղարկեաց մարդ եւ  
 ձայնեաց զկաթողիկոսն ի միւս մեծ տունն իւր , եւ ե-  
 լեալ զնացաք ամենեքեանքս անդ : Եւ Չէլէպին ե-  
 րաշխաւոր եղեալ եպիսկոպոսին , զի այլ ոչ գայցէ  
 աստ , եւ ի Հոգեւորտէրէն խնդրեալ , զի հետ տարցէ  
 զնա . եւ ետ նմա ԲՃ զուռուշ , զորն ի պարտսն ե-  
 տուր , զորն պաշար ճանապարհի , և վէքիւ արար զնա  
 իւրն և ետ ԲԹ զուռուշ , զի շինեսցին զանկակատուն